

P R A V I L N I K
o izmjenama i dopunama Pravilnika o kriterijima za upućivanje osuđenih osoba na izdržavanje kazne zatvora

Član 1.

U Pravilniku o kriterijima za upućivanje osuđenih osoba na izdržavanje kazne zatvora („Službeni glasnik BiH“, broj: 34/05, 65/05), u članu 8. stav 1. riječi „koje ima putnu ispravu“ i zarez nakon njih brišu se, a riječi „da mu oduzme putnu ispravu“ zamjenjuju se riječima „da mu oduzme isprave koje se mogu koristiti za prelazak državne granice“.

U stavu 2. člana 8. riječi „putne isprave“ zamjenjuju se riječima „isprava koja se može koristiti za prelazak državne granice“.

Član 2.

Član 10. dopunjava se novim stavom 3. koji glasi:
„Krivično odjeljenje Suda BiH će kopiju uputnog akta dostaviti Ministarstvu pravde BiH u cilju vršenja nadzora nad radom Sudske uprave u vršenju poslova upućivanja osuđenih lica na izdržavanje kazne zatvora“.

Član 3.

Član 11. dopunjava se novim stavom 2. koji glasi:
„Sud BiH može upućivati osuđena lica u odgovarajuće zavode bilo kojeg od entiteta iz člana 13. ili 14. ovog Pravilnika, bez obzira na prebivalište, odnosno boravište osuđenog lica, koji po kriterijima treba samo da odgovaraju vrsti i dužini izrečene kazne, utvrđenoj kategorizaciji zavoda, vrsti krivičnog djela, ranijoj osuđivanosti ili drugim uslovima iz stava 1. ovog člana, u vezi sa članom 10. ovog Pravilnika“.

Član 4.

Ovaj Pravilnik stupa na snagu u roku od 8 (osam) dana od dana objavljivanja u „Službenom glasniku BiH“.